

समा. 09.20 Hrs

गृहमंत्री अमित शाह हो'रें दिल्ली धमाके आले नैटवर्क खलाफ कारवाई लेई जम्मू-कश्मीर पुलस दी सराहना कीती। नमीं दिल्ली च आतंकवाद -रोधी सम्मेलन दरान मुख्य भरें च आतंकवाद-रोधी दस्ता खडेरने दा कीता आहवान।

एल.जी मनोज सिन्हा हो'रें "वीर बाल दिवस" दे मौके पर साहिबज़ादे गी श्रद्धांजलि अर्पित कीती ते संगठित ते ख़शहाल भारत लेई सांझे जतनें दी जरूरतें पर जोर पाया।

उत्तर रेलवे आसेया दिल्ली ते कटड़ा बश्कार अज्जै थमां लेइयै पैहली जनवरी 2026 तोड़ी बशेश रेल सेवा चलाई जाग- तां जे नमैं बरे दे मौके यात्रियें दे रश आली समस्या कन्नै निब्बडेया जाई सकै।

खेड्ड मंत्री सतीश शर्मा होरें जम्मू च Big JK Premier लीग दे उदघाटनी समारोह च हिस्सा लैता ते प्रदेश च खेड्ड संस्कृति गी बढ़ावा देने दी जरूरतें पर जोर पाया।

डिवीजनल कमीशनर रमेश कुमार हो'रें युवाएं लेई आयोजित "दास्तान-ए-माईक" कार्यक्रम च हिस्सा लेंदे होई नौजवानें दी ऊर्जा गी कला ते खेड़्डें च लाने दी गजारश कीती।

<><><><><><>

गृहमंत्री अमित शाह हो"रें मुख्य भरै च आतंकवाद रोधी दस्ते ए.टी.एस दा इक एकीकृत ढांचा तयार करने दा आहवान कीता ऐ ते राज्यें दे पुलस महानिदेशकें गी निर्देश दिते न जे ओह इसी तौले शा तौले लागू करन। उ'नें आखेया जे इके जनेही ए.टी.एस. प्रणाली सब्बनें स्तरें पर आतंकवाद दे खतरे कन्नै निब्बड़ने लेई तयारियें गी बधाग। शाह हो'र नमीं दिल्ली च राश्ट्रीय जांच एजेंसी आस्सेया आयोजित दो-रोजा आतंकवाद रोधी सम्मेलन -2025 दा उदघाटन करने मगरा बोला'रदे हे।

उ'नें पहलगाम आतंकी हमले ते दिल्ली बम धमाके दे मामलें दी जांच गी पूरी चाल्ली चौकस पुलस बवस्था दी मिसाल दस्सदे होई सराहना कीती। गृहमंत्री हो'रें आखेया जे सुरक्षाबलें आपरेशन सिंदूर राएं आतंकी योजनाकारें गी कामयाबी कन्नै सजा दिती ते आपरेशन "महादवे" तैहत हमलावरें गी बेअसर करी दिता। उ'नें समूलचे आतंकी नैटवर्क गी असरदार ढंगे कन्नै खत्म करने लेई जम्मू-कश्मीर पुलस ते होरनें एजेंसियें दी बी सराहना कीती।

<><><><><><>

LG- Veer Baal Diwas

लैफ्टिनेंट गवर्नर मनोज सिन्हा हो'रें आखेया ऐ जे स्हाड़े देशें च इक नमीं गतिशीलता आला माहौल बना करदा ऐ ते असें सब्बनें गी किट्ठै रलियै इस गल्लै दा पक्का धेइया करना लोइचदा ऐ जे अस अपने सुखने आले विकसित भारत दा निर्माण पक्क गै करगे। एल.जी हो'रें एह गल्ल कल "वीर बाल दिवस" दे मौके उप्पर साहिबजादे- माता गुजरी जी ते श्री गुरु गोविंद सिंह जी हो'रें गी श्रद्धांजलि दिंदे होई आखी। इस मौके पर एल.जी हो'रें लोकें गी गुजारश कीती जे ओह समाज च सदभाव- एकता ते तरक्की गी बढ़ावा दिंदे होई महान सिक्ख गुरुएं दी विरासत गी सम्मान देन। अनेकता च एकता दी भावना गी उजागर करदे होई एल.जी हो'रें आखेया जे इस खुशहाल ते मजबूत राश्ट्र दे निर्माण लेई असें सब्बनें गी किट्ठै रलियै सांझे तौर पर जतन करने लोइचदे न।

<><><><><><>

Railways Spl Train

उत्तर रेलवे दे जम्मू डिवीजन नै नमें बरे दे मौके पर यात्रियें दे रश दे प्रबंधन लेई नमीं दिल्ली ते श्री माता वैष्णो देवी कटड़ा बश्कार बशेश आरक्षित रेल सेवा दा ऐलान कीता ऐ। आकाशवाणी दे जम्मू संवाददाता दी रिपोर्ट मूजब 16 डब्बे आली एह बशेश रेल गड्डियां- श्रदालुएं ते सैलानियें लेई अज्जै थमां शुरु होइयै- पैहली जनवरी 2026 तगर अपनियां सेवां देगंन।

ट्रेन नम्बर 04081 नमीं दिल्ली थमां कटड़ा ते ट्रेन नम्बर 04082 कटड़ा थमां नमीं दिल्ली लेई चलोग। एह रेलगइडियां सब्बन बड्डे स्टेशनें पर रुकगंन। रेलवे दे अधिकारिये मूजब इस बशेश रेल सेवा दे कन्ने नमें बरे दे मौके पर यात्रिये दे भारी रश दे प्रबंधन च बड़ी मदाद थहोग।

<><><><><><>

Jasrota Eco-Sensitive Zone

कठुआ दे डिप्टी कमीशनर राजेश शर्मा हुंदी प्रधानता तैहत कठुआ दे पर्यावरण दे लेहाज कन्ने संवेदनशील जसरोटा Wild Life Sanctuary लेई ज़ोनल मास्ट प्लान दे मसौदे पर चर्चा लेई कल इक बैठक दा आयोजन कीता गया। इस योजना तैहत जसरोटा Wild Life Sanctuary दे संरक्षण ते टिकाऊ विकास लेई 10एं बरे दी इक रुपरेखा दा प्रस्तास ऐ। जमीनी सर्वेक्षण ते मकामी लोके दे सलाह-मशवरे कन्ने तयार कीते गेदे इस मसौदे च बक्ख-बक्ख गतिविधिये गी श्रेणीबद्ध कीता गेदा ऐ। एहदे च जैविक बन्न-सबन्नता दे संरक्षण- मनुक्खे ते जंगली जनोरे बश्कार झड़फे गी रोकने ते पर्यावरण दे मुआफक सैलसफे दे बाददे-विकास लेई हीले गी शामिल कीता गेदा ऐ। डिप्टी कमीशनर होरे सरबंधत विभागें गी निर्देश दिता ऐ जे ओह खीरी मंजूरी शा पैहले 10एं दिने दे अंदर-अंदर मशवरे जमा करोआई देन।

<><><><><><>

Satish Sports

खेड् मंत्री सतीश शर्मा होरे जम्मू च Big J&K प्रीमियर लीग दे उदघाटन समारोह च हिस्सा लैता। इस गैह दे कन्ने केन्द्र शासत प्रदेश च खेड् संस्कृति गी बढ़ावा देने ते खेड् ढांचे गी तगड़ा बनाने दी सरकार दी वचनबद्धता गी फही पक्का कीता गया ऐ। इस मौके पर मंत्री सतीश शर्मा होरे आखेया जे इस चाल्ली दे मंच युवा हुनर दी पंछान करने ते उनेगी नखारने च बड़े महत्वपूर्ण साबत हुंदे न। उने आखेया.....

मगरा मंत्री होरे ट्रांसपोर्ट कमीशनर हुंदे दफ्तर- जम्मू-कश्मीर सिडक ट्रांसपोर्ट कारपोरेशन- आर.टी.ओ- दफ्तर ते साईस ते टेक्नालोजी मैहकमे दे दफ्तर दा बी चानचक्क दौरा लाया।

इस दरान उ'नें सार्वजनिक सेवाएं दी दस्तयाबी दा जायजा लैता ते अधिकारियें गी निर्देश दिते जे ओह अपने कम्में च पारदर्शिता बनाई रखन ते तय समें-सीमा दे अंदर लोकें दियें समस्याएं दे नबेड़े करोआना यकीनी बनान।

<><><><><><>

Dastaan-e-Mic

जम्मू दे डिवीजनल कमीशनर रमेश कुमार हो'रें जम्मू दे बाहु प्लाज़ा इलाके च युवा सेवाएं ते खेड़ें सरबंधी निदेशालय पाससेया युवाएं लेई आयोजित “दास्तान-ए-माईक” नाs दे कार्यक्रमें च हिस्सा लैता। इस मौके पर उ'नें नौजवानें दा आह्वान कीता जे ओह अपनी ऊर्जा गी खेड़ें- साहित्य ते कला दे खेतर च इस्तमाल करन तां'जे ओह समाजी बुराइयें थमां दूर रौहदे होई सेहतमंद जीन जीs सकन। कार्यक्रम दे दरान युवा कलाकारें शायरी-संगीत ते कहानी सनाने दी कला दा बड़े बधिया ढंगै'नै प्रदर्शन कीता। इस मौके पर बोलदे होई डिवीजनल कमीशनर हो'रें नौजवानें दा दिल बधाने लेई इस चाल्ली दे होर नमें किस्मै दे कार्यक्रमें दे आयोजन दी जरूरतें पर जोर पाया।

<><><><><><>

Roll Ball C'ship

17मीं जूनियर रोल बॉल राष्ट्रीय चैम्पियनशीप 29 दिसम्बर 2025 थमां जम्मू दे एम.ए. स्टेडियम च शुरू होआ'रदी ऐ। एह प्रतियोगितां पैहली जनवरी 2026 तगर चलोग ते एहदे च 26 राज्यें ते केन्द्र शासित प्रदेशें दे तकरबीन 600 खडारी ते अधिकारी हिस्सा लेंगन। राष्ट्रीय स्तर दे इस आयोजन कन्नै नौजवानें च रोल बॉल गी बढ़ावा थहोग। आयोजकें दस्सेया ऐ जे एह चैम्पियनशीप बड़े खेड़ आयोजन दे केन्द्र दे तौर पर जम्मू दी बधदी छवि गी दर्शादी ऐ। इस बारे बोलदे होई 17 बरे शा हेठली उम्मी आहले वर्ग दे खडारी मेधांश ने आखेया.....

<><><><><><>